



Fidoilik —
Vatanga xizmat demak!

2024-yil 30-aprel, seshanba,
51 (23.928)-son

**KUN
HIKMATI**

Kam
ta'minlanganlik
kimning nimaga
va qancha ehtiyoji
borligi bilan
aniqlanishi lozim

1913-yil aprel oyidan chiqib boshlagan



www.zarnews.uz



https://www.facebook.com/zarnews.uz



@zarnews_uz



https://twitter.com/zarnews_uz



Hokimlar Bulung'ur tajribasini o'rgandi

Viloyat hokimi tashabbusi bilan o'tgan yildan buyon tuman va shaharlar sektor rahbarlari hamda ularning kotiblari uchun sektorlar faoliyatini sifat jihatidan yaxshilash, hududni ijtimoiy-iqtisodiy rivojlantirish borasida amalga oshirilayotgan ishlar natijadorligiga qaratilgan seminarlar o'tkazilmoqda.

Joriy yilgi ilk seminar Bulung'ur tumanida o'tkazildi. Unda viloyat hokimligi tashkiliy-kadrlar guruhi rahbari Behzod Rahmatullayev, tuman hokimi Samandar Astonov tuman va shaharlar birinchi sektor rahbarlari, ularning kotiblari hamda tegishli boshqarma mas'ul rahbarlarini Bulung'ur tajribasi bilan tanishtirdi.

Sektor rahbarlari tumanning Olmazor mahallasi hududida qurilayotgan «Yangi O'zbekiston» massivi bilan tanishdi.

Yangi massiv uchun 24 gektar yer maydoni ajratilgan bo'lib, 56 ta ko'p qavatli uy-joy, 990 o'rinni 2 ta maktab, 120 o'rinni 2 ta maktabgacha ta'lim tashkiloti, mahalla binosi, oilaviy poliklinika va sport maydonchalari barpo etilishi belgilangan. Ayni paytda qurilish ishlari davom etmoqda va 2025-yilda ishlar to'liq yakunlanadi.

Keyingi manzil 2023-yilda investitsiya dasturi asosida "METIN BUSINESS FRUITS" MChJ tomonidan G'olibdun massivida ishga tushirilgan, yiliga 6 ming tonna sabzavot mahsulotlarini qayta ishlash va quritish loyihasi bo'ldi. Korxonada qiymati 25,9 milliard so'lik loyiha amalga oshirilishi natijasida 20 ta yangi ish o'rni yaratilgan. Shuningdek, korxonada ta'sischisi tomonidan 2022-yilda lalmi yerlarda yomg'irliq sug'orish tizimini joriy qilish orqali boshqoqli va dukkakli mahsulotlar yetishtirish yo'lga qo'yilgan.

Tadbir doirasida Olmazor mahallasida davlat xususiy sheriklik asosida 120 o'rinni maktabgacha ta'lim tashkiloti foydalanishga topshirildi.

Sektor rahbarlari Fozil Yo'ldosh uy-muzeyida bo'lib, «Chavqi» xalq folklor etnografik ansambli chiqishlarini tomosha qildi, hududda amalga oshirilayotgan loyihalar bilan tanishdi.

Shundan so'ng rahbarlar tumanda

«Bir mahalla — bir mahsulot» tamoyili asosida aholi tomonidan samarali foydalanish tajribasini o'rgandi.

Tumanda qishloq xo'jaligi mahsulotlarini yetishtirish, tomorqadan foydalanish, qurilish-bunyodkorlik va obodonlashtirish ishlari yaxshi yo'lga qo'yilgan, — deydi Naripay tumani hokimi Sherzod Rahmonov. — Bu tajribalarni tumanimiz mas'ullari ishtirokida o'rgandik va tumanimizda qishloq xo'jaligi mahsulotlarini qayta ishlash va aholini tomorqadan samarali foydalanishga o'rgatish, mahallalar infratuzilmasini yaxshilash hamda qurilish-obodonlashtirish bo'yicha qo'llaymiz.

Tumanning Mingchinor mahallasida birinchi sektor shtabi faoliyatini ko'rsatmoqda. Sektor rahbarlari shtab faoliyatini bilan tanishib, aholi murojaatlari bilan ishlash tajribasini o'rgandi.

Aholi muammolarini o'rganishda mahalla yetilligi, deputatlar bilan hamkorlikni yo'lga qo'yganmiz, — deydi tuman hokimi S. Astonov. — Mahalla mas'ullari muammo yuzasidan bizga murojaat qiladi, biz esa muammoni hal qilish uchun o'sha hudud deputatini jalb qilamiz va masalani nazoratga olamiz. Bu deputatlarining ham muammolarni joyiga borib o'rganishiga turtki bo'ladi.

2022-yilda Prezidentimiz Kasbi tumani Qamashi mahallasi misolida respublikaning har bir tumanida bittadan «Obod mahalla maskani» tashkil etish topshirig'ini bergan edi. Bu bo'yicha bizda Mingchinor mahallasi tanlangan. Hozirda mahallada «Amr-ul Baxr VMJ» MChJ Bulung'ur filiali ishga tushirilgan. Bu yerda charm poyabzallar ishlab chiqariladi.

Rahbarlar ushbu MChJ va tumandagi «Daka Intex», «Garden Plast» korxonalarini faoliyatini bilan ham tanishdi.

Fazliddin RO'ZIBOYEV.


SHENSI BILAN HAMKORLIK RIVOJLANADI

Samarqand viloyati va Shensi provinsiyasi. Bu ikki hudud o'rtasidagi do'stona aloqalar yildan-yilga mustahkamlanib, savdo-iqtisodiy aloqalar kengaymoqda, sheriklikning turli shakllari rivojlanmoqda, tovar ayirboshlash hajmi ko'paymoqda. Va eng muhimi, ko'p yo'nalishlarda o'zaro hamkorlik qilish istagi ortib boryapti. Bu haqda viloyat hokimining Shensi provinsiyasi gubernatori Chjao Gan boshchiligidagi XXR delegatsiyasi bilan uchrashuvida so'z yuritildi. Muloqot iliq, do'stona muhitda o'tdi.

Viloyat hokimi joriy yilning yanvar oyida Samarqand delegatsiyasining Shensi provinsiyasiga tashri fi chog'ida ko'rsatilgan e'tibor uchun minnatdorlik bildirdi. Yaqin aloqalar tufayli bugungi kunda aniq natijalar mavjud. Ikki hudud ish-bilarmonlari o'rtasida qirqdan ortiq shartnoma imzolandi, bundan tashqari, yaqinda shensilik tadbirkorlar viloyat hududlarida bo'lib, mavjud salohiyat bilan tanishib, 11 yo'nalishda hamkorlik qilish bo'yicha kelishib oldilar.

Erkinjon Turdimov ta'kidlaganidek, mazkur uchrashuv mintaqaviy hamkorlikni rivojlantirishda muhim qadam bo'ldi. Bugun Shensining ko'plab sohalaridagi tajribasi biz uchun muhim. Madaniyat va turizm sohalarida, xususan, Samarqand va Shensi shaharlarida madaniyat kunlarini o'tkazish ahamiyatlidir.

Shensi gubernatori viloyat hokimining fikrlari va takliflarini qo'llab-quvvatladi va o'zaro hamkorlik uchun keng istiqbollari mavjudligini aytdi. Imzolangan qo'shma shartnomalar doirasida Samarqand viloyatida loyihalarni amalga oshirish bosqichlari haqida ma'lumot beruvchi tadbirkorlar bilan muntazam uchrashuvlar



o'tkazib kelmoqda. Shensi gubernatori savdo va sarmoya, shuningdek, qishloq xo'jaligi, qishloq xo'jaligi texnologiyasi, ta'lim va fan kabi sohalarida hamkorlikni faollashtirishni taklif qildi.

Yakunda tomonlar ikki hudud munosabatlarini har tomonlama strategik sheriklik darajasiga ko'tarish va belgilangan barcha masalalar bo'yicha yaqindan hamkorlik aloqalarini davom ettirishga kelishib oldilar.

Viloyat hokimligi axborot xizmati.

«Yangi nafas»:

Pastdarg'omlik sportchilar bu yilgi musobaqada ham g'olib bo'ldi

Samarqand xalqaro turizm markazida «Bir Vatanda, bir vaqtda, bir masofaga, bir maqsadda birga yuguramiz!» shiori ostida havaskorlar o'rtasida an'anaviy «Yangi nafas» ommaviy yugurish musobaqasi o'tkazildi.

Unda besh ming nafar ishtirokchi 6 kilometr masofaga yugurdi.

Musobaqa natijasiga ko'ra, o'tgan yilgi bellashuvda ham g'olib bo'lgan pastdarg'omlik sportchi Komil Fozilov marra chizig'ini yana birinchi bo'lib bosib o'tdi. Keyingi o'rinni yana bir pastdarg'omlik sportchi Temur Ahmatullayev va oqdayolik Namozbek Bobomurodovga nasib etdi.

Qizlar o'rtasida ham birinchi o'rinni pastdarg'omlik Elnoz Mahmarayimova qo'lga kiritgan bo'lsa, keyingi o'rinni oqdayolik sportchilar Farangiz Abdubakirova hamda Sabrina Omonova egalladi.

Para sportchilar bahsida oqdayolik

Shohruh Ro'ziqulov birinchi, toyloqlik sportchilar E'zozbek Omonov va Sunnat Bobomurodov ikkinchi, urgutlik Dilbek Tugalov hamda Samarqand tumanidan Ravshan Aliyev uchinchi bo'ldi. Qizlar o'rtasidagi bahsda Samarqand tumani-dan Safina Zodayeva mutlaq g'olib deb topildi.

Marafonda «Eng keksa ishtirokchi», «Eng yosh ishtirokchi» va turli nominatsiyalar bo'yicha ham g'oliblar aniqlandi. Musobaqa g'oliblari diplom va esdalik sovg'alar bilan taqdirlandi.



Askarlar qasamyod qildi

Markaziy harbiy okrug qo'shinlarida harbiy xizmatni o'tash uchun Samarqand gornizoniga kelgan muddatli harbiy xizmatchilar qasamyod qabul qildi.



Tantanal tadbirda Markaziy harbiy okrug qo'mondonligi, viloyat hokimligi, faxriylar, davlat va jamoat tashkilotlari vakillari hamda askarlarning ota-onalari va yaqinlari ishtirok etdi.

Har bir askarga Prezident sovg'asi — «Temur tuzuklari», «O'zbekiston tarixi» kitoblari topshirildi. Shuningdek, askarlarning orasida qisqa fursat ichida jismonan va ma'naviy tayyorgarligi bilan namuna bo'lgan askarlarning ota-onalariga harbiy okrug qo'shinlari qo'mondonligining tashakkurnomasi topshirildi.

Harbiy orkestr jamoalari, xushovoz xonandalarning konsert dasturi, viloyat drama teatri ijodkorlarining sahna ko'rinishlari, harbiy xizmatchilar tomonidan tayyorlangan qo'l jangi va faxriy qorovulning ko'rgazmali chiqishlari namoyish etildi.



BIZ ISHLAYLIK, BAHONI XALQ BERSIN

Paxtachi tumani viloyat markazidan birmuncha uzoq bo'lgani uchun ommaviy axborot vositalarida u yerdagi ijtimoiy-iqtisodiy hayot, amalga oshirilayotgan ishlar, kuzatilayotgan o'zgarishlar haqida ko'pam materiallar berilavermaydi.

Bundan tashqari, bir necha yil oldin rahbarlarda mass-media uchun ochilish bo'lgan davrda kuzatilgan jo'shqinlik bugun susaygandek. Shu omillarni hisobga olib Paxtachi tumani hokimi Muzaffar Hamdamovga bir nechta savol bilan murojaat qildik.

- Muzaffar Yazdonovich, suhbat avvalida ortga bir qur nazar solsak. Chunki 2020-yillardagi intervyularingizda Qizbuvi, Qarnabota tog' tizmalarida qazilma boyliklar ko'pligini, ularga investoriarning qiziqishi katta ekanligini aytgansiz. Oradan qariyb 4 yil o'tdi, qanday natijalarga erishildi?

- Haqiqatan ham Qizbuvi, Qarnabota tog' tizmalari qazilma boyliklariga boy va bu imkoniyatdan to'g'ri foydalanayotgan mahalliy tadbirkorlarimiz ham yetarli.

Misol uchun, «Alisher poliz ekinlari» fermer xo'jaligi rahbari Ulug'bek Begimov tomonidan Kichik Qarnab hududida 6,4 gektar yer maydonida 200 ta ish o'rni yaratilishi ko'zda tutilgan gips kukuni ishlab

chiqarish loyihasi deyarli yakuniga yetdi. Loyihaning qiymati 3 million dollardan ziyod.

Tadbirkor hozirgi kunda temir-beton, gipsokarton, kafel mahsulotlari ishlab chiqarish loyihalari boshlagan. Bu loyihalarni amalga oshirishda Xitoy davlati bilan hamkorlik qilinmoqda.

Bundan tashqari «Madina savdo belgisi» korxonasi rahbari Habib Sadinovning gips mahsulotlari ishlab chiqarish loyihasi ham deyarli yakuniga yetmoqda. Xitoydan keltirilgan uskunalar o'rnatilgan loyiha qiymati 2,5 million dollarga teng. Loyiha doirasida 100 ga yaqin yangi ish o'rni yaratilishi ko'zda tutilgan.

(Davomi 2-sahifada) >>>



BIZ ISHLAYLIK, BAHONI XALQ BERSIN

(Davomi. Boshlanishi 1-sahifada).

Yana bir tadbirkorimiz Bekzod Ibatov eronlik tadbirkorlar bilan hamkorlikda "Ario Granit" qo'shma korxonasi tashkil qilib, Qarnabota hududida 20 gektar yer maydonida temir-beton mahsulotlari ishlab chiqarish, granitni qayta ishlash va asfalt zavodi loyihalari amalga oshirimoqda. Bugungi kunda 2 million dollar qiymatidagi texnika va uskunalar olib kelinib, qurilish ishlari olib borilmoqda.

Qarnabota hududida yana bir tadbirkor Artyom Sarkisyan "Grk Alyans" nomli xususiy korxonaga tashkil qilgan. Bu subyekt viloyatda kaolinni qazib olish va qayta ishlash faoliyati bilan shug'ullanadigan yagona korxonasi hisoblanadi. Hozirgi kunda bu yerda 100 kishi ish bilan ta'minlangan.

Ma'lumot uchun, kaolin - qog'oz, chinni, fayans, kimyo, rezina sanoatida, o'tga chidamli buyumlar va izolyatorlar tayyorlashda ishlatiladi. Birgina shu faktning o'zi korxonaning ahamiyati, uning istiqboli haqida aniq tasavvur beradi.

- 2019-2020-yillarda Yevropa davlatlari bilan katta loyihalar rejalashtirilgani. Keyinchalik ular yo' unutildi, yo kutilgan natijaga erishilmadi. Shu ma'noda keyingi yillarda tumanga investitsiya kiritish shiddati pasaygandek. Siz nima deysiz?

- Men qilingan ishlar haqida ma'lumotlarga to'xtalsam, baholashni esa zukko o'quvchilarning o'ziga qoldirsa.

Tumanimizda Angliya bilan hamkorlikda "Granit mining" korxonasi tashkil qilingan. Bu yerda 90 dan ortiq ish o'rni yaratilgan. Turli xil toshlarni qazib olish va maydalash bilan shug'ullanadigan korxonaga quvvati oyiga 90 ming kub. Hozirgi kunda korxonaga nafaqat viloyatimiz, balki qo'shni Navoiy, Buxoro viloyatlariga ham magistral yo'llarni ta'mirlash va yangi asfalt yo'llarni barpo etish uchun mahsulot yetkazib berilmoqda.



Joriy yilning 1-choragida korxonaga faoliyatini kengaytirish uchun korxonaga ta'sischi, chet ellik hamkor Y. Gavrisiak tomonidan qo'shimcha 1 million dollar miqdorida to'g'ri-dan-to'g'ri investitsiya kiritildi.

Bundan tashqari, 2022-yilda Niderlandiyning "Ario international" korxonasi bilan hamkorlikda qalay rudasini qazib olish va qayta ishlash loyihasini amalga oshirish uchun "Staunum Taurus" qo'shma korxonasi ochildi. Korxonaga tomonidan 5 yillik shartnomaga asosan, qidiruv ishlari olib borilmoqda. Yaqinda qo'shma korxonaga rahbari loyiha uchun dastlabki 3,5 million dollar o'zlashtirilganligi va texnika, uskunalar olib kiritilayotganligini ma'lum qildi. Ma'lumot uchun, qalay rudasini qazib olish Qarnabota mahallasi hududida amalga oshirilmoqda.

Bundan tashqari, Prezidentimizning Xitoy Xalq Respublikasi bilan aloqalarni yanada mustahkamlash hamda tadbirkorlik aloqalarini rivojlantirish maqsadida imzolagan qarorlariga asosan, Paxtachi tumanida 2 ta yirik loyihani amalga oshirish rejalashtirilgan.

Xususan, 100 million dollar qiymatidagi shisha hamda 50 million dollarlik kaolinni qayta ishlash, kafel va keramik mahsulotlar ishlab chiqarish loyihalari hayotga tatbiq etiladi. Hozirgi kunda bu loyihalarga Xitoy tomoni vakillarining qiziqishi juda baland. Kaolin loyihasini amalga oshirish uchun mahalliy hamkor Mizrob Ochilov tomonidan "Shaxboz Kaolin Manufaktore" korxonasi tashkil etilib, kar'er va korxonaga qurilish uchun yer maydonlari rejalashtirilgan.

- Ijtimoiy-iqtisodiy o'sish tadbirkorlik, infratuzilma, kommunal xizmatlar bilan bevosita bog'liq. Aytgunchi, mazkur yo'nalishda keyingi 4-5 yilda nimalar o'zgardir? Ularning samarasi nimalarda ko'zga tashlanayapti?

- Bu davrda, aniqrog'i o'tgan 4 yilda tumanda 162,1 kilometr yo'l asfalt qilindi. 88 kilometr elektr tarmoqlari yangilandi, 67 ta yangi transformator punkti o'rnatilib, 25 ta transformator punkti va 2200 ta simyog'och almashtirildi.

Albatta, bu ishlar birinchi navbatda tumanda tadbirkorlik rivojida alohida ahamiyat kasb etmoqda. Buning isbotini iqtisodiy ko'rsatkichlarda ham kuzatish mumkin. Zotan, savdo 5 barobarga ko'paydi. Shuningdek, sanoat 4,5 va xizmat ko'rsatish 3,5 barobarga o'sdi.

Maqtanishga yo'yimg'ana, lekin o'tgan yili sentabr oyida o'tkazilgan yig'ilishda "joylarda ishlar to'g'ri yo'lga qo'yilgani bois 25 ta tuman va shaharda sanoat hajmi 10 foizdan ko'paygani"ni davlatimiz rahbari e'tirof etgandi. Sanoat

yuqori sur'atda o'sgan hududlar orasida Paxtachi ham borligi bir tomondan g'ururlantirsa, ikkinchi tomondan mas'uliyatini oshirdi.

Darvoqe, shu o'rinda yana bir raqamni aytib o'tish lozim: qayd qilingan davrda 325 kilometr ichimlik suv tarmog'i tortildi. Bu nafaqat iqtisodiy salohiyatimiz o'sishi, shu bilan birga, aholi turmush sharoiti yaxshilanishida muhim bo'lmoqda.

Albatta, hali oldinda qilinadigan ishlar ko'p, rejalar katta. - Umuman, faoliyatingizning o'tgan davrida aholi daromadlarini oshirish borasidagi qaysi ishlarni sanab o'ta olasiz?

- Buni iqtisodiy raqamlarda ko'rib chiqsak: sanoat mahsulotlari hajmi 2019-yilda 206,7 milliard so'm bo'lgani holda 2023-yil yakunida bu ko'rsatkich 749,7 milliard so'mni tashkil qilgan. Ya'ni, sanoat mahsulotlari hajmi 3,6 barobar oshgan. Bundan tashqari, 2019-yilda aholi jon boshiga sanoat mahsulotlari hajmi 1,4 million so'm, 2023-yil yakuni bilan esa 5 million so'mga yetgan.

2019-yil jami ro'yxatdan o'tgan kichik tadbirkorlik subyektlari soni (fermer xo'jaliklarisiz) 596 ta, 2023-yil yakuni bilan 1416 tani tashkil etgan.

Tumanda 2023-yilda 21954 ta doimiy va mavsumiy ish o'rni yaratilishi belgilangan. Amalda esa bu ko'rsatkich 31052 tani tashkil qilib, ishsiz va band bo'lmagan fuqarolar bandligi ta'minlandi.

Shuningdek, tumanda oilaviy tadbirkorlikni rivojlantirish dasturi doirasida 3214 nafar ishsiz fuqaroga 70159 milliard so'm imtiyozli kreditlar ajratildi.

Hokim yordamchilari tomonidan band bo'lmagan va norasmiy faoliyat yuritayotgan tadbirkorlarni rasmiylashtirish evaziga yil davomida 955 ta yakka tartibdagi tadbirkor, dehqon xo'jaliklarni tashkil etish rejasini belgilangan. Bu boradagi ishlar to'g'ri va tizimli tashkil etilgach, 155 ta YTT ro'yxatdan o'tkazildi.

Ishsiz, band bo'lmagan 190 nafar fuqaroga 1 milliard 615 million so'mlik subsidiya asosida asbob-uskunalar olib berildi.

Shu o'rinda yana bir ma'lumotga e'tiboringizni qaratmoqchiman. Bugungi kunda tumandagi 7579 ta xonadonda 834 gektar issiqxona mavjud. Bu o'rtacha 15 ming odam 1 yilda 3 marta hosil olish bilan mashg'ul degani. Chunki fevral-iyun oylarida pomidor va bodring parvarishlanadi, iyul-oktabr oylarida bodring, oktabr oyi oxiri yanvar oylarida ko'kat yetishtiriladi.

Hisob-kitoblarga ko'ra, har bir xonadon yil davomida o'rtacha 51,5 million so'm sof foyda qiladi.

Bundan tashqari, baliqchilik bo'yicha Paxtachi maktabi yaratilgan. Qilinayotgan ishlar, olinayotgan daromad va boshqa jihatlarni ko'pchilik yaxshi bilgani uchun sohada amalga oshirilgan ishlariga alohida to'xtalmayman.

- Hokimlikni boshlagan davringizda Ziyovuddin shaharchasi tuman markazi degan nomga munosib emasdi. Shu sababli obod markaz loyihasi doirasida katta ishlar olib borildi.

Biroq hali shaharchani zamonaviy tuman markazi deyaish imkonsiz, bizningcha. Siz nima deysiz?

- Tuman markazida 2018-yilda 1971-1980-yillarda qurilgan 26 ta 2 qavatli turarjoy mavjud edi. So'nggi 5 yil mobaynida 820 ta xonadonga mo'ljallangan 23 ta ko'p qavatli turarjoy binosi qurib foydalanishga topshirildi. Joriy yil sentabr oyida 189 ta xonadonli 2 ta 5 qavatli uy qurib bitkaziladi. Ushbu turarjoy majmualarini oqova suv ta'minoti bilan ta'minlash maqsadida 2020-yilda oqova suvlarini tozalash inshooti hamda 6,9 kilometr tarmoq qurildi.

Bundan tashqari, shaharchamizda Davlat xizmatlari markazi, "Inson" ijtimoiy xizmatlar markazi, matbuot uyi, oilaviy poliklinika, yoshlar markazi qayta rekonstruksiya qilindi. "Ziyovuddin dehqon bozori" zamonaviy qiyofaga keltirildi. Umuman, jami 50 dan ortiq ijtimoiy soha obyektlarida yangi qurilish, joriy ta'mirlash va rekonstruksiya ishlari amalga oshirildi.

Katta ishlardan biri "Yoshlar bog'i"ni obodonlashtirish bilan bog'liq. Bu yerda musiqlari favvora o'rnatildi. Istirohat bog'ida 38 ta quyosh panelli tungi yoritish chiroqlari, 1,1 kilometr piyodalar yo'li, 48 ta o'rindiqli tashkil etildi. Turli xil attraksionlar yashil maysozor kishilarga zavq bag'ishlaydi.

Yoqubjon MARQAYEV suhbatlashdi.

Bino va inshootlarning zilzilabardoshligi oshiriladi

Prezidentimiz 2024-yil 17-aprelida "Bino va inshootlarning zilzilabardoshligini oshirish hamda seysmik xavfni monitoring qilish faoliyatini takomillashtirish chora-tadbirlari to'g'risida" qaror qabul qildi.

Qarorga ko'ra:

2024-yil 1-iyundan MSK-64 shkallasi bo'yicha 8 va undan yuqori ballik seysmik faol zonalarda yangi qurilishi rejalashtirilayotgan 5 qavatdan yuqori tibbiyot obyektlari hamda 9 qavatdan yuqori binolarni aktiv seysmik himoyalash qurilmali, shu jumladan seysmoizolyatsiya va demper uskunalar bilan loyihalash amaliyoti yo'lga qo'yiladi.

2024-yil 1-iyundan yangi qurilishi rejalashtirilayotgan xavfli o'mli III - IV toifa bo'lgan obyektlarga bino va inshootlarning yuk ko'taruvchi konstruksiyalarini avtomatik monitoring qilish uskunasi o'rnatish majburiy etib belgilanadi. MSK-64 shkallasi bo'yicha 5 va undan yuqori ballik yer silkinishi sodir bo'lganda bino va inshootlarning holati bo'yicha yuk ko'taruvchi konstruksiyalarni avtomatik monitoring qilish uskunalaridan olingan ma'lumotlar tezkor ravishda tahlil qilinadi.

Bino va inshootlar hududlarining seysmik faolligiga muvofiq ravishda qurilishni tashkil etish maqsadida 2024-yil 1-iyulgacha respublikaning barcha tuman va shaharlari hududlari kesimida mintaqaviy akselerogrammalar raqamlashtiriladi hamda ularning onlayn bazalari shakllantiriladi.

2024-yil 1-avgustdan xavfli o'mli III - IV

toifa bo'lgan obyektlarni hududning zilzilalar kuchini ko'rsatib beruvchi mintaqaviy akselerogrammalar bazalaridan kelib chiqib loyihalash va qurish tartibi joriy etiladi.

2024-yil 1-iyundan yangi qurilishi rejalashtirilayotgan xavfli o'mli III - IV toifa bo'lgan obyektlarda gaz va elektr tarmoqlarini kuchli zilzila paytida avtomatik bloklash tizimi bilan loyihalash tartibi joriy etiladi. Bunda, seysmik faol zonalarda yangi qurilishi rejalashtirilayotgan xavfli o'mli III - IV toifa bo'lgan obyektlarning loyiha-smeta hujjatlari ularda kuchli zilzila sodir bo'lganda gaz va elektr tarmoqlarini avtomatik bloklash tizimi mavjud bo'lgan hollardagina shaharsozlik hujjatlari ekspertizadan o'tkaziladi.

2024-yil 1-iyulgacha texnik holati qoniqsiz deb topilgan mavjud bino va inshootlarni "kompensatsion in'eksiya texnologiyasi orqali mustahkamlash va deformatsiyani oldingi holatiga qaytarish" uslubini orqali qayta tiklash ishlari eksperiment tariqasida amalga oshiriladi.

2024-yil 1-oktabrgacha qadar eksperiment natijalari asosida bino va inshootlar poydevorini mustahkamlash va deformatsiyalarini bartaraf etishda yer ostidan "kompensatsion in'eksiya texnologiyasi orqali mustahkamlash va deformatsiyani oldingi holatiga qaytarish" uslubini amaliyotga to'liq joriy etish choralarini ko'riladi.

2024-yil 1-maydan zilzila xavfi va prognoziga oid xulosalarni har oyda joylardagi hokimliklarga kiritish amaliyoti yo'lga qo'yiladi. Zilzila muhandisligi olimlari assotsiatsiyasi tashkil etiladi.

2024-yil 1-iyundan respublika hududida bo'lib o'tgan zilzilalar monitoringi, ularning ilmiy tahlili va faol tektonik yer yoriqlarining harakatlari orqali yaqin kelajakda kutilayotgan kuchli zilzila xavfi bor hududlarni aniqlash amaliyoti yo'lga qo'yiladi.

Samarqand tajribasi ommalashtiriladi

"Adolat" sotsial-demokratik partiyasi Markaziy apparati ishchi guruhi tomonidan hududiy kengashlar faoliyati bilan yaqindan tanishish, muammo va kamchiliklarni bartaraf etish yuzasidan o'rganish ishlari olib borilmoqda.

Partiya siyosiy kengashi raisi o'rinbosari Islom Hamroyev boshchiligidagi guruh Samarqand viloyatidagi hamfikrlar hayoti bilan yaqindan tanishdi. Partiya dasturiy vazifalarining bajarilishi, loyihalarni hayotga tatbiq etish borasidagi ishlar ko'zdan kechirildi.

- Joylarda bo'lganimizda partiyadoshlarimizning omma orasiga keng kirib borayotgani, dasturiy maqsadlarimizning taniluvchanligi ortayotgani guvohi bo'ldi, - dedi Islom Hamroyev. - Misol uchun, Bulung'ur tumanidagi "Mega tekstil" MChJ qoshida 52 kishidan iborat boshlang'ich tashkilot ochilgan. Bundan tashqari, Jomboy tumanida "Jomboy yashil chiroqlari" mas'uliyati cheklangan jamiyatida 68 nafar, Toyloq tumanidagi "Agrobank" filialida 37 nafar, Urgut tumani maktabgacha va maktab ta'limi bo'limi qoshida 161 nafar, Samarqand tumanidagi "Agromir" mas'uliyati cheklangan jamiyati qoshida 250 nafardan

ziyod, Samarqand shahar yuridik texnikumi qoshida 41 nafar a'zodan iborat partiyaniing quyi bo'g'ini tashkil etilgan.

O'rganishlarda boshlang'ich partiya tashkilotlari faoliyatini kuchaytirish, kadrlar zaxirasini mustahkamlash, o'zilik badallari tushumini tizimli yo'lga qo'yish, partiya a'zolarining siyosiy bilim hamda faolligini oshirish va boshqa ustuvor masalalar muhokama qilinib, yo'lga qo'yilgan ayrim kamchiliklarni bartaraf etish yuzasidan takliflar bildirildi.

Viloyatda partiya tizimida salohiyatli rahbar kadrlarni, deputatlikka nomzodlarni saralash, ish yuritishda jiro intizomini ta'minlash hududdagi tashkilotlar bilan samarali hamkorlik aloqalarini yuqori baholandi.

Yakunda partiyaning Samarqand tajribasini keng ommalashtirish lozimligi bildirildi.

Partiya matbuot xizmati.

Urgut tumanidagi bo'rdoqichilik va sut yetkazib berishga ixtisoslashtirilgan fermer xo'jaliklaridan birining raisi N.S. muqaddam ham xo'jalik ish yurituvchi hujjatlarini qalbakilashtirish orqali ko'p miqdordagi mablag'ni talon-toroj qilish aybi bilan javobgarlikka tortilgan edi. Ammo u bundan tegishli xulosa chiqarmadi shekilli, yana egri yo'l bilan boylik orttirishni maqsad qildi.

Fermerning hiylasi o'tmadi

Gap shundaki, N.S. "Xalq bank" Urgut filialiga ariza bilan murojaat qilib, chetdan nasilli chorva mollarni sotib olish uchun 2 milliard so'm miqdorida uzoq muddatli kredit mablag'i ajratilishini so'ragan. Kredit ajratilib, fermer Avstraliyadagi korxonadan 150 bosh qoramol sotib olgan. Biroq keyinchalik tezroq daromad qilish maqsadida shu qoramollarning 112 boshini fuqarolarga hech qanday hujjat va asossiz sotib yuborgan. Hisob-kitoblarga ko'ra, u ayni harakati bilan 1 milliard 456 million so'mlik kredit mablag'ini o'zlashtirish yo'li bilan talon-toroj qilgan. Bundan tashqari, N.S. noqonuniy faoliyatini davom ettirib, o'zi rahbarlik qilayotgan yana bir mas'uliyati cheklangan jamiyatda tovarlarni (xizmatlarni) realizatsiya qilishdan olingan daromadning 801 million so'mini yashirib, jami 120 million 157,8 ming so'm foyda solig'ini to'lashdan bo'yin tovlab kelgan.

Qonun o'z so'zini aytdi. Sudda fuqaro N.S.ning barcha ayblari o'z isbotini topib, unga 2 yilu 3 oy axloq tuzatish jazosi tayinlandi. U yetkazgan moddiy zararlarni ham to'liq qoplashi kerak.

Komil G'ANIYEV, Iqtisodiy jinoyatlarga qarshi kurashish departamentining Samarqand shahar bo'limi inspektori.



Koreyaliklar "SMART ISSIQXONA" qurdi

Viloyatimizning Oqdaryo tumanida Qishloq xo'jaligi vazirligi huzuridagi Qishloq xo'jaligi bilim va innovatsiyalar milliy markazi hamda Janubiy Koreyaning "Agro Solution Korea" kompaniyasi bilan hamkorlikda "Smart issiqxona" qurildi. 18 sotix maydondagi mazkur issiqxonada barcha jarayonlar avtomatlashtirilgan. Dastlab bu yerda ikki xil usulda qulupnay yetishtirilishi ko'zda tutilgan.

Milliy markaz direktori Sh. Otajonov viloyatimiz qishloq xo'jaligi sohasidagi yangiliklar va agroixozmatlar markazida amalga oshirilayotgan qurilish ishlari bilan tanishdi. Bino qurilishi, dizayni va yaratilishi lozim bo'lgan zarur shart-sharoitlar o'rganildi.

A.NORBOYEV.

Vazirlar Mahkamasi alohida uy-joyini (kvartira, uy, kvartiraning yoki uyingning bir qismini) xususiy lashtirishga rozilik bergan shaxslar to'g'risida ma'lumotnoma hamda davlat mulki obyekti xususiy lashtirish uchun buyurtmanoma berish bo'yicha davlat xizmatlarini ko'rsatishning ma'muriy reglamentlarini tasdiqlash haqida qaror qabul qildi.

Uy-joyga oid davlat orderi mahalliy hokimlik tomonidan beriladi

Unga ko'ra, 2024-yil 1-iyuldan boshlab xususiy lashtirilgan uy-joylarga oid davlat orderlari va ma'lumotnoma tuman (shahar) hokimliklari tomonidan beriladi. Hujjat bilan quyidagi davlat xizmatlarini ko'rsatishning ma'muriy reglamentlari tasdiqlanmoqda: alohida uy-joyini (kvartira, uy, kvartiraning yoki uyingning bir qismini) xususiy lashtirishga rozilik bergan shaxslar to'g'risida ma'lumotnoma berish bo'yicha; davlat mulki obyekti xususiy lashtirish uchun buyurtmanoma berish bo'yicha. Mazkur xizmatlar DXM (davlat xizmatlari markazlari) va YaDXP orqali ko'rsatiladi va ular uchun yig'im undirilmaydi. Ma'lumotnomani olish uchun so'rovnomaga uy-joyga bo'lgan mulk huquqini tasdiqlovchi hujjat, mulkdorning oila a'zosi bo'lgan taqdirida - qo'shimcha ravishda ushbu fakti tasdiqlovchi hujjat (mulkka egalik qilish huquqini tasdiqlovchi hujjat bilan birga), vakilning vakolatini tasdiqlaydigan ishonchnoma ilova qilinadi. Uzoq'i bilan 1,5 soat ichida murojaat etuvchiga tegishli ma'lumotnoma taqdim etiladi. Davlat mulki obyekti xususiy lashtirish yuzasidan berilgan buyurtmanoma bo'yicha 5 ish kuni davomida murojaat etuvchiga tegishli holatlar tekshirilgandan so'ng 30 kun ichida unga qo'shimcha xabarnoma yuborilishi ma'lum qilinadi.

Hujjat 2023-yilning 29-noyabridan kuchga kirgan.

Xurshida FOZILOVA,
Samarqand shahar Davlat xizmatlari markazi katta mutaxassisi.

Insoniy fazilatlar targ'ibotchisi edi

Irisboy Jo'rayev bilan hamqishloq, hamkasb sifatida birga ishlaganmiz. U kishi o'z davrining o'qimishli, fidoyi insonlaridan biri edi. Hayotini mazmunli o'tkazib, umrini baxtiyor yashab, olijanob fazilatlarini bilan o'zidan yaxshi nom, yorqin xotira, ibrat olishga arzigulik fazilatlar qoldirdi. Shogirdlari, teng-to'shlari, barcha tanigan-bilganlar hozir ham gap-gashtak, gurunlarda ustozni faxr bilan eslaymiz.

El-yurt orasida yuksak hurmat-e'tiborga ega bo'lgan, har qanday davrni dikkash gurungi bilan o'ziga qarata olgan bu inson kimyo fani bilimdoni, tajribali uslubchi, mehribon ustoz, yaqin maslahatgo'y, insoniy fazilatlar targ'ibotchisi edi...

I. Jo'rayev 1946-yil Nurobod tumanining Boshquduq qishlog'ida tug'ilgan. Otasi Ahmad aka urushga ketib, halok bo'lgan. Otasidan erta ayrilgan Irisboy emizikli paytidayoq onasi Oyniz opa qo'lida yetim qoldi. Tumanning Ulus qishlog'idagi maktabni tugatgandan so'ng Samarqand davlat universitetining kimyo fakulteti kechi bo'limida tahsil oldi. O'qish davrida Samarqand shahridagi maktablarda kimyo fani o'qituvchisi bo'lib ishlab, o'sha davr maorifi sohasi rahbarlari nazoriga tushdi. Ularning taklifi bilan 1969-yilda viloyat xalq ta'limi boshqarmasiga uslubchi sifatida ishga olindi. Harbiy xizmatni o'tab qaytgach, viloyat pedagog xodimlar malakasini oshirish institutida o'qituvchi, keyinchalik kafedra mudiri vazifalarida faoliyat ko'rsatdi. So'ng Past Darg'om tumani maorif bo'limi uslubiy birlashmasi boshlig'i lavozimiga ishga taklif etildi. Bu dargohda ma'lum muddat ishlagandan so'ng faoliyatini Sovetobod tumani (hozirgi Nurobod tumani) tashkil etilishi munosabati bilan tumani maorif bo'limi uslubiy birlashma boshlig'i lavozimida davom ettirdi. Shu davrda Iris Ahmedovich halol

mehnati bilan Nurobod tumani maorif tizimini tashkil etish yo'lida siddiqdildan xizmat qildi.

Yaxshi insonni, uning ijobiy sifat va fazilatlarini nafaqat hamqishloqlari, balki uzoq-yaqindan bilgan odamlar ham ko'p eslaydi.

Iris boboni har eslaganimda ko'z oldimda bosiq, sermulohaza, har bir gapini salmoqlab aytadigan, xushfe'l va olijanob odam gavadlanadi, - deydi O'zbekiston Jurnalistlar uyushmasi a'zosi Jamoliddin Hotamov. - U kishi bilan bundan o'n yilcha muqaddam Navoiy viloyati "Do'stlik bayrog'i" gazetasi muxbiri vazifasida ishlagan paytlarim tanishganman. Keyinchalik Iris boboning ko'p suhbatlarini oldim. Bir necha bor qishlog'idagi uyida mehmon bo'lganman. Har borganimizda momimiz ikkalasi bog'laridagi yong'oq, olma, anor kabi mevalardan ulashardi. Otaxon hech qachon bizdan qimmatli maslahatlarini ayamadi. Turmushning achchiq-chuchugini ko'p totganidan hayotiy tajribasiga suyanib aytgan pand-nasihatlari umrim mobaynida ko'p asqotdi. Taajjublanarlisi, kim bilan guruh qilgan bo'lsam, barchasi Iris bobo haqida faqat ijobiy ta'rif bergan. Bundan shu xulosaga kelganmanki, demak, otaxon butun umr yaxshi inson bo'lib o'tgan va o'zidan yaxshi nom qoldirgan. Iris bobo shahrimizga qadam ranjida qilsa, albatta, kamini yo'qlardi. Oxirgi marta davrda Iris Ahmedovich halol

Xotira



ya dispanseri shifoxonasida davolanayotganida yo'qladim. Yangi yil arafasi edi. Iris bobo juda ham quvonib ketdi...

I. Jo'rayev turmush o'rtog'i Hanifa aya bilan 8 nafar farzandni ulg'aytirib, uyli-joyli qildi, nufuzli oliy o'quv yurtlarida o'qitdi, el koriga yaraydigan farzandlar qilib tarbiyaladi.

Ustoz jamiyatni olg'a boshlovchi va uning ertangi kunini ta'minlovchi, ta'bir joiz bo'lsa, to'g'ri yo'li ko'rsatuvchi bir yo'li yulduz. Shu sababli doimo jamiyat rivojida ustozlarning o'rni beqiyos. Chunki ular yosh avlodga nafaqat ta'lim beradi, balki yosh shogirdlari qo'lidan tutib, hayot saboqlarini, insoniy fazilatlarini chin yurakdan qalbga joylaydi, yaxshi duolar bilan nurli manzillarga olib boradigan katta yo'lga kuzatib qo'yadi. Shuning uchun bu kasb egalari haqida "Ustoz otangdek ulug'", deya e'tirof qilinadi.

Shafqatsiz o'lim qardoni-mizni 76 yoshida oramizdan olib ketdi. O'zidan ezgu ishlari bilan yaxshi iz qoldirgan, Nurobod tumani rivojlantirishga beqiyos hissa qo'shgan, hudud xalq ta'limi sohasiga ilk tamal toshini qo'yib, odamlar ma'rifatining yuksalishi uchun xizmat qilgan Irisboy Jo'rayevning xotirasi qalbimizda mangu yashaydi.

Boymat QO'CHQOROV,
mehnat faxriysi.

Energetika sohasidagi o'zgarishlar

qonuniy asoslarga ega

Matbuot uyida viloyat adliya boshqarmasi tashabbusi bilan ommaviy axborot vositalari xodimlari uchun tashkil etilgan anjumanda yoqilg'i-energetika sohasidagi ishlohtlar, haqida ma'lumot berildi.

Vazirlar Mahkamasining "Yoqilg'i-energetika sohasida bozor mexanizmlarini joriy etishning qo'shimcha chora-tadbirlari to'g'risida"gi qarori iste'molchilarni yoqilg'i-energetika resurslari bilan ishonchli ta'minlash, aholi xonadonlarida qayta tiklanuvchi energiya manbalari o'rnatilishi va energiya tejavochi texnologiyalar keng joriy etilishini rag'batlantirish, yoqilg'i-energetika resurslari narxlarining shakllanishini bosqichma-bosqich bozor tamoyillariga o'tkazishni davom ettirish maqsadida qabul qilindi, - deydi viloyat adliya boshqar-



masi bo'lim boshlig'i Orifjon Muhammadiyev. - Ijtimoiy himoyaga muhtoj aholi qatlamini qo'llab-quvvatlash maqsadida elektr energiyasi va gaz narxlarini belgilashda joriy etilayotgan "ijtimoiy me'yor" tizimi aslida yengillik hisoblanadi. Dunyoning ko'plab davlatlaridagi singari sohadagi tabaqalanish tizimi qonuniy asoslarga ega. Tadbirida o'zgarishlar sababli soha korxonalarida amalga oshirilayotgan modernizatsiya va rekonstruksiya ishlari tufayli yurtimizdagi barcha iste'molchilar uchun sifatli, uzluksiz va adolatli tariflarda elektr energiyasi yetkazib berilishi lozimligi ta'kidlandi. - Yillar davomida eskirib ketgan asbob-uskunalarda ishlab kelganimiz tufayli ko'p yo'qotishlarga duch

kelyapmiz, - deydi "Hududga Samarqand" gaz ta'minoti filiali direktori o'rinbosari Vahob Halimov. - Natijada aholiga zarur miqdordagi tabiiy gazni yetkazib berishning imkonini bo'lmayapti. Bugungi kunda amalda bo'lib turgan tariflar haqiqiy tannarxni qoplaymaydi va soha subsidiyalar evaziga faoliyat yuritib kelmoqda. Agar davlat budjetidan beriladigan subsidiyalar to'xtatilsa, tarmoqlar eskiligicha qolaveradi, uzatish quvvatlari yangilannmaydi. Tabiiy gaz va elektr energiyasini ishlab chiqarish ko'paymaydi va uzilishlar soni, muddati kundan-kunga ortib boraveradi. Anjumanda jurnalistlarning savollariga soha mas'ullari batafsil javob berishdi.

Dilmurod TO'XTAYEV.

REKLAMA, E'LONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUROJAAT UCHUN TELEFON: 66-233-91-56

DA'VOLAR BO'LSA

Samarqand shahrida xususiy amaliyot bilan shug'ullanuvchi notarius Yusupova Dilsura Hasanovna notarial idorasida marhum Talibova Uzoq Turabovna (2021-yil 9-iyunda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Dilsura Hasanovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Yusupova Dilsura Hasanovna notarial idorasida marhum Melikov Uktamga (2022-yil 13-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Dilsura Hasanovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasida marhum Xakimova Miskalg'a (2007-yil 22-martda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Saidova Zarina Xisravovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasida marhum Bodirov Abduraxmon Javunboyevichga (2020-yil 10-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Saidova Zarina Xisravovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Rahimova Komila Faxriyevna notarial idorasida marhum Ruziyev Uralq (2001-yil 24-aprel-24 vafot etgan) tegishli mol-mulk uchun meros ishi

ochilmoqda. Shu munosabat bilan merosxo'rlarning Rahimova Komila Faxriyevna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 51-uy.

Samarqand shahrida xususiy amaliyot bilan shug'ullanuvchi notarius Rahmonov Sarvar Ne'matilloevich notarial idorasida marhum Artikov Xikmatulaga (2006-yil 6-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Rahmonov Sarvar Ne'matilloevich notarial idorasiga murojaat etishlarini so'raymiz.

Manzil: Samarqand shahri Gagarin ko'chasi, 60-uy.

Samarqand shahrida xususiy amaliyot bilan shug'ullanuvchi notarius Jo'rayev Mubin Ne'matjonovich notarial idorasida marhum Usmonova Ugulga (2020-yil 3-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jo'rayev Mubin Ne'matjonovich notarial idorasiga murojaat etishlarini so'raymiz.

Manzil: Samarqand shahri Abdurahmon Soniy ko'chasi, 1-uy.

Samarqand shahrida xususiy amaliyot bilan shug'ullanuvchi notarius Bobomurodov Pirmamat Isomiddinovich notarial idorasida marhum Negmatova Roxat Muminovna (2020-yil 7-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Bobomurodov Pirmamat Isomiddinovich notarial idorasiga murojaat etishlarini so'raymiz.

Manzil: Samarqand shahri Beruniy ko'chasi, 12-uy.

Samarqand shahrida xususiy amaliyot bilan shug'ullanuvchi notarius Aminov Mashhurjon Yusufovich notarial idorasida marhum Razakov Abdurafiq Abdulkarimovichga (2021-yil 11-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aminov Mashhurjon Yusufovich notarial idorasiga murojaat etishlarini so'raymiz.

Manzil: Samarqand shahri Sug'diyona maskani, 14/12-uy.

Samarqand shahrida xususiy amaliyot bilan shug'ullanuvchi notarius Umarov Akmaljon Shavkatovich notarial idorasida marhum Zamanov Yuliy Rifkatovichga (2023-yil 3-aprel-24 vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Umarov Akmaljon Shavkatovich notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 17-uy.

Payariq tumanida xususiy amaliyot bilan shug'ullanuvchi notarius Ortiqboyev Aziz Azamatovich notarial idorasida marhum Jurayeva Mubora Tursunboyevna (2013-yil 15-iyunda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ortiqboyev Aziz Azamatovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 73-uy.

Payariq tumanida xususiy amaliyot bilan shug'ullanuvchi notarius Ortiqboyev Aziz Azamatovich notarial idorasida marhum Raxmanov Allayar Karshiboyevichga (2023-yil 7-iyunda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ortiqboyev Aziz Azamatovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 73-uy.

Payariq tumanida xususiy amaliyot bilan shug'ullanuvchi notarius Ortiqboyev Aziz Azamatovich notarial idorasida marhum Maxmudov Otabek Narzullayevichga (2024-yil 3-fevralda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ortiqboyev Aziz Azamatovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 73-uy.

Payariq tumanida xususiy amaliyot bilan shug'ullanuvchi notarius Muhammadiyev Farhod Jo'raqulovich notarial idorasida marhum Samarov Xusniddin Mahamatovichga (2021-yil 28-fevralda vafot etgan) tegishli mol-mulk uchun meros ishi ochilgan. Shu munosabat

bilan merosxo'rlarning Muhammadiyev Farhod Jo'raqulovich notarial idorasiga murojaat etishlarini so'raymiz. **Manzil: Payariq tumani Chelak shaharchasi, Istiqlol ko'chasi, 76-uy.**

Oqdaryo tumanida xususiy amaliyot bilan shug'ullanuvchi notarius Sa'dullayev Jamshidxon Safoxonovich notarial idorasida marhum Uraqov Oblaqlulga (2020-yil 5-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Sa'dullayev Jamshidxon Safoxonovich notarial idorasiga murojaat etishlarini so'raymiz.

Manzil: Oqdaryo tumani Loyish shaharchasi Amir Temur ko'chasi.

BEKOR QILINADI

Samarqand shahridagi "BOBIRZODA" mas'uliyati cheklangan jamiyatining (STIR: 310838636) dumaloq muhri va burchak tamg'asi yo'qolganligi sababli bekor qilinadi.

Bulung'ur tumanidagi «MAXMUD OTA» fermer xo'jaligining (STIR: 203075904) dumaloq muhri va burchak tamg'asi yo'qolganligi sababli bekor qilinadi.

«INSON» AJ sug'urta tashkiloti Samarqand viloyat filialiga qarashli A-4 shakl 71548, 78148, 72327 va INT shakl 4404, 4410 raqamli sug'urta polislarini yo'qolganligi sababli bekor qilinadi.

Fuqaro Turayeva Dilbar Alikulovnaga qarashli Samarqand shahri Tokzor mahallasi Taraqqiyot ko'chasi (oldingi F.Xodjaev ko'chasi) 19-uy, 128-xonadon uchun berilgan 14:16:03:02:05:0030:0001:128 raqamli kadastr hujjatlari to'plami yo'qolganligi sababli bekor qilinadi.

Fuqarolar Zoxidov Akram Pulatovich va Turayeva Dilbar Alikulovnalarning o'rtasida 2021-yil 25-iyulda Samarqand shahri Tokzor mahallasi Taraqqiyot ko'chasi (oldingi F.Xodjaev ko'chasi) 19-uy, 128-xonadon uchun tuzilgan, Samarqand shahrida xususiy amaliyot bilan shug'ullanuvchi notarius Azimova Kamola Xamzaevna tomonidan tasdiqlanib, 202102255001399 raqam bilan reestrda qayd qilingan turar-joy oldi-sotdi shartnomasining sotib oluvchidagi asl nusxasi yo'qolganligi sababli bekor qilinadi.

